

Bigarrena

Toki ogasunak aldatzen dituen martxoaren 31ko 12/2003 Foru Araua indarrean jartzean onartutako ondasun higiezinaren gaineko zergei buruzko zerga hobariak (bertan daude jasota horietarako kasuak) mantendu egingo dira eskatu beharrik gabe, baldin eta erregutu beharrekoeak ez badira. Aipatutako zergan onartuta dauden zerga hobariei bukatu arte eutsiko zaie, nahiz eta zerga ordenantza honetan jaso ez. Horretatik kanpo geratuko da toki ogasunak arautzen dituen uztailaren 19ko 41/1989 Foru Arauak 4. artikulua k) idatz zatian xedatutakoa, baldin eta 12/2003 Foru Arauaren aurreko idazketa hartzen bada aintzat, zeren eta azken hori indarrean sartzean aurrekoa indargabetu egin baitzen.

Azken xedapena

Ordenantza fiskal honen azken aldaketa 2024ko abenduaren 5ean onartu zen behin betiko; 2025eko urtarrilaren 1ean jarriko da indarrean, eta indarrean jarraituko du espresuki aldatzea edo indargabetzea erabaki arte.

ONDASUN HIGIEZINEN GAINEKO ZERGA ARAUTZEN DUEN ZERGA ORDENANTZA

Eranskina

TARIFA	ARGA TASA (EHUNEKO)
Hiri ondasun higiezinak	0,28
Landa ondasun higiezinak	0,31
Berezien ondasun higiezinak	1,30

Ordaintzeko Aldia: ekainaren 1etik uztailaren 31ra arte.

Zatikako ordainketa: Ondasun higiezinaren gaineko zerga bi epetan ordaintzeko aukera izango dute zergadunek: 1. ordainketa, uztailaren 31n, eta 2. ordainketa, azaroaren 30ean. Ordainketa batetik bira aldatzeko eskabidea aurkezteko azken eguna apirilaren 30a izango da.

Ondasun higiezinaren gaineko zerga arautzen duen ordenantza fiskala -eranskin honetan jasotzen den tarifa eta bilketarako aldia horren parte dira-, 2023ko abenduaren 29an onartu zen behin betiko, eta 2024ko urtarrilaren 1ean jarriko da indarrean, eta indarrean jarraituko du berariaz aldatzea edo indargabetzea erabaki arte.

JARDUERA EKONOMIKOEN GAINEKO ZERGA ARAUTZEN DUEN ORDENANTZA

I. Xedapen orokorrak

1. artikulua

Arabako Lurralde Historikoko Toki Ogasunak arautzen dituen Foru Arauan eta zerga honi buruzko foru arauan ezarritakoari jarraituz, jarduera ekonomikoen gaineko zerga eskatuko du Zuiako udalak ordenantza honen arabera. Ezarri beharreko tarifak eta ordaintzeko epea jasotzen dituen eranskina ere ordenantzaren zati da.

Jarduera ekonomikoen gaineko zerga erreala da, enpresa, lanbide edo arte jardueretan aritze hutsagatik karga bat ezartzen duena.

2. artikulua

Ordenantza hau Zuiako udalerri osoan aplikatuko da.

II. Zerga gaia

3. artikulua

Udalerrian enpresa, lanbide edo arte jardueretan aritzeak osatuko du zerga gaia, jarduera horiek lokal zehatz batean egin edo ez egin, eta zergaren tarifetan zehaztuta egon edo ez egon.

Zerga honen ondorioetarako, honakoak izango dira enpresa jarduerak: abeltzaintza (jarduera independentea denean), meatze, industria, merkataritza eta zerbitzuak. Horien artean ez dira sartzen nekazaritza, beste jarduera baten mendeko abeltzaintza, basogintza eta arrantza; beraz, horiei ez zaie ezarri behar zergarik.

Aurreko paragrafoan ezarritakoaren ondorioetarako, segidako kasuotan sartuta dagoen abere multzoa abeltzaintza independentetzat joko da:

a) Abeltzainak nekazaritzarako edo baso ustiapenerako erabiltzen ez dituen lurretan batez ere bazkatzen duena.

b) Landa finketatik kanpoko ukuiluetan dagoena.

c) Transhumantzia dabilena.

d) Batez ere, hazleku duen finkaz kanpoko pentsuez elikatzen dena.

4. artikulua

1. Jarduera batek enpresa, lanbide edo arte izaera izango du produkzio bitartekoak eta giza baliabideak (edo bietakoren bat) bere kabuz antolatzen dituenean, ondasunen edo zerbitzuen produkzioan edo banaketan parte hartzeko asmoz.

2. Karga ezarriko zaion jardueren edukia zergaren tarifetan zehaztuko da.

5. artikulua

Karga ezarriko zaion jarduera egiten direla frogatzeko, zuzenbidean onargarria den edozein bitarteko erabiliko da, eta, bereziki, Merkataritza Kodearen 3. artikuluan jasotakoak.

6. artikulua

Honako jarduera hauek ez dute zerga gaia osatuko:

1. Nekazaritzakoak, mendeko abeltzaintzakoak, basogintzakoak eta arrantzakoak.

2. Enpresen aktibo finkoan sartzen diren ondasunak besterentzea, ondasun horiek besterendu baino bi urte lehenago gutxienez ibilgetu modura agertu badira inbentarioan, eta saltzailearen erabilera partikular eta pribatuko ondasunak saltzea, ondasun horiek epe berean erabili izan baditu.

3. Lan pertsonalen edo zerbitzu profesionalen ordainez jasotzen diren produktuen salmenta.

4. Esklusiboki establezimenduaren dekorazio eta apainketarako gaien erakusketa. Bezeroei opariak egiteko gaien erakusketa, ordea, zergari lotuko zaio.

5. Txikizkako salmentan, egintza bakarra burutzea eta eragiketa bakana izatea.

III. Salbuespenak eta hobariak

7. artikulua

I. Salbuespenak:

1. Honakoak salbuetsiko dira zerga honetatik:

a) Estatua, Euskal Autonomia Erkidegoa, Arabako Foru Aldundia eta udal erakundeak, eta estatuaren organismo autonomoak eta lurralde administrazio horietako antzeko izaerako zuzenbide publikoko erakundeak.

b) Jarduera zerga honen lehenengo bi zergaldietan hasten duten subjektu pasiboek.

Ondorio horietarako, ez da joko jarduera berriztat lehenago beste titularitate batekin gauzatu den jarduera.

1) Besteak beste, jarduera baten adarrak batzean, zatitzean edo gehitzean ulertuko da egoera hori gertatu dela.

2) Subjektu pasiboa Merkataritzako Kodeko 42. artikuluekin bat etorritik eratutako sozietate talde bateko kidea bada; salbuespena: jarduera berria izatea, aurretik taldeko ezein enpresak egin ez duena.

3) Erakundearen ehuneko 25 baino gehiago jarduera berean aritu diren enpresen esku badago.

c) Eragiketetan 1.000.000,00 euro baino gutxiagoko bolumena duten subjektu pasiboek.

Ez-egoiliarren errentaren gaineko zergaren zergadunei dagokienez, establezimendu finko baten bidez aritzen direnentzat baino ez da izango salbuespena, baldin eta eragiketetan 1.000.000,00 euro baino gutxiagoko bolumena badute.

Edonola ere, salbuespen hori aplikatzeko, ezinbestekoa izango da subjektu pasiboek ez izatea ehuneko 25 baino gehiagoko partaidetzarik (zuzenean zein zeharka) letra honetan jasotzen den eragiketen bolumenaren baldintza betetzen ez duten enpresetan. Salbuespen izango dira Sozietateen gaineko Zergari buruzko abenduaren 13ko 37/2013 Foru Arauaren 77. artikuluan aipatzen diren arrisku-kapitaleko funtsak edo sozietateak, partaidetza azken horien helburu soziala betetzearen ondorio denean.

Letra honetan zehaztutako salbuespena aplikatzearen ondorioetarako, honako arauak hartuko dira kontuan:

1) Sozietateen gaineko Zergari buruzko abenduaren 13ko 37/2013 Foru Arauak 5. artikulua 1. paragrafoan zehaztutakoarekin bat etorritik zehaztuko da eragiketen bolumena.

2) Pertsona fisikoen errentaren gaineko zergaren edo sozietateen gaineko zergaren subjektu pasiboentzat, edo ez-egoiliarren errentaren gaineko zergaren zergadunentzat, eragiketen bolumena izango da zerga horien aitortpenak aurkezteko epea zerga sortu aurreko urtean amaitu den zergaldikoa. Zergei buruzko Foru Arau Orokorraren 35. artikulua 3. paragrafoan zehazten diren sozietate zibil eta erakundeentzat eragiketen bolumena zerga sortzen den urtearen azken-aurrekoari dagokiona izango da. Zergaldi horrek urte naturala baino gutxiago irauten badu, eragiketen bolumena urte osoari dagokiona izango da.

3) Subjektu pasiboaren eragiketen bolumenaren zenbatekoa kalkulatzeko, hark gauzatutako jarduera ekonomikoen multzoa hartuko da kontuan.

Merkataritza Kodearen 42. artikuluari jarraikiz, erakundea sozietate taldearen zati bada, lehen adierazitako kopuruak talde horri dagozkion erakunde multzoarenak izango dira.

4) Ez-egoiliarren gaineko zergaren zergadunen kasuan, Espainian dauden establezimendu iraunkorren multzoari egotz dakiokkeen eragiketen bolumena hartuko da kontuan.

d) Gizarte segurantzak, mutualitateak eta montepioak kudeatzen dituzten erakundeak, indarrean dagoen legediarekin bat etorritik eratutakoak.

e) Ikerketa erakunde publikoak; irakaskuntzarako zentroak (maila guztietan), estatuaren, autonomia erkidegoen, Arabako Foru Aldundiaren eta toki erakundeentzako funtsezko ordaintzen badira osorik, edo ongintzakotzat edo erabilera publikokotzat jotzen badira; era berean, irabazteko xederik ez duten irakaskuntzarako zentroak (maila guztietan), hezkuntza itunaren erregimenpean badaude, nahiz eta ikasleei liburuak edo idazmahaiako artikulua eman, edo pentsio erdiko edo barnetegiko zerbitzuak eskaini, edo, salbuespen gisa, zentroan bertan saldu irakaskuntza horretarako tailerretako produktuak, baldin eta salmentaren zenbatekoa (partikularentzako edo hirugarren pertsonentzako erabilgarria izan gabe) eskusiboki lehengaiak eskuratzeko bada, edo zentroa mantentzeko.

f) Ezindu fisiko, psikiko eta sentsorialen elkarte eta fundazioek, irabazteko asmorik gabeez, ezinduak irakatsi, hezi, birgaitu eta zaintzeko burutzen dituzten pedagogia, zientzia, asistentzia eta enplegu jarduerak direla eta, nahiz eta horretara egokitutako tailerretako produktuak saldu, baldin eta salmenta horren zenbatekoa (partikularrentzako edo hirugarren pertsonentzako erabilgarritasunik gabea) eskusiboki lehengaiak eskuratzeko edo establezimendua mantentzeko bideratzen bada.

g) Gurutze Gorriaren eta arautegian zehaztuko diren antzeko erakundeen ondasunak.

h) Salbuespena aplikatu dakiekeen subjektu pasiboek, nazioarteko itunei edo hitzarmenei jarraikiz.

i) 4. Irabazteko asmorik gabeko erakundeak, abenduaren 23ko 35/2021 Foru Arauak (irabazteko asmorik gabeko erakundeen zerga erregimenari eta mezenasgoaren zerga pizgarriei buruzkoa) ezarritako modu eta baldintzetan.

2. Aurreko paragrafoko a), d), g) eta h) idatz zatietan zehaztutako subjektu pasiboek ez dute zergaren erroldarako alta aitortzea aurkezteko beharrik.

3. Aurreko 1. paragrafoko c) idatz zatian adierazitako salbuespena aplikatzean, Ogasun, Finantza eta Aurrekontu Saileko diputatuak zehaztuko du zein kasutan jakinarazi beharko zaion idatziz Arabako Foru Aldundiari letra horretako baldintzak betetzen diren ala ez.

Ondorio horietarako, Ogasun, Finantza eta Aurrekontu Saileko foru diputatuak ezarriko ditu jakinarazpen horren edukia, epea eta aurkezteko modua, baita zein kasutan aurkeztu beharko diren bide telematikoa ere.

Aurreko 1. paragrafoko c) idatz zatian zehaztutako salbuespenari eragin diezaioketen aldakuntzez ari garela, zerga ordenantza honetako 11. artikulua 2. paragrafoko hirugarren puntuan zehaztutakoari jarraituko zaio.

4. Artikulu honetako 1. paragrafoko e) eta f) idatz zatietan xedatutako salbuespenek erregu izaera izango dute eta, hala dagokionean, alde batek eskatuta emango dira.

II. Hobariak: ehuneko 50eko hobaria ezarriko zaie behin betiko kontratupeko langileen kopurua ehuneko 20 gehitzen duten enpresei eta udalerrian finkatu eta hiru langile finko baino gehiago sortzen dituzten enpresek ehuneko 50eko hobaria izango dute lehen bost urteetan.

IV. Subjektu pasiboa

8. artikulua

Zerga honen subjektu pasiboak dira, zergadun gisa, Arabako Zergei buruzko Foru Arau Orokorren 35. artikulua 3. paragrafoan aipatzen diren pertsona fisiko edo juridikoak eta entitateak, bai eta testamentu ahalorde baten egikaritzaren edo botere osoko gozamenaren zain dauden jaraunspenak ere, baldin eta Arabako Lurralde Historikoan egiten badute zergapeko egitatea eragiten duen edozein jardura.

Testamentu ahalordea edo ahalmen gozamina egikaritzeko dauden jaraunspenen kasuan, ulertuko da jardura ekonomikoak egiten dituztela, Pertsona Fisikoen Errentaren gaineko Zergari buruzko azaroaren 27ko 33/2013 Foru Arauaren 24. artikulua 1. atalean ezarritako baldintza betetzen ez badute ere.

V. Zerga kuota

9. artikulua

Indarrean dauden zergako tarifak (dagokion foru arauaren bidez onartuak) aplikatuta lortzen dena izango da tributu kuota, ondokoak kontuan hartuta: udalak adostutako eta ordenantza honen eranskinean araututako koefizienteak, indizea eta hobariak.

VI. Zergaldia eta sortzapena

10. artikulua

1. Zergaldia urte naturalarekin bat dator, alta aitortpenak direnean izan ezik; horrelakoetan, jarduera hasi denetik urtea bukatu artekoa izango da zergaldia. Horrek ez du eragotziko artikulua honen 3. paragrafoan xedatutakoa ezartzea.

2. Zergaldiaren lehen egunean sortuko da zerga, eta kuotak ezin izango dira murriztu, salbu eta alta aitortpenen kasuetan, jarduera hasten deneko eguna urtearekin bat ez datorrenean; horrelakoetan, jarduera hasten den egunetik abenduaren 31 bitarteko egun kopuruaren arabera proportzionalki kalkulatu da eta alta ematen den egun berean sortuko da.

3. Baja aitortpenen kasuetan, zergaldia urtarilaren batetik baja aitortpena aurkezten den egunera artekoa izango da. Horrelakoetan, zergaldiaren lehen egunean sortuko da zerga, eta kuota urtarilaren batetik baja aitortpenaren egunera arte dauden hileen arabera proportzionalki kalkulatu da.

Aurreko lerroaldean aipatutako hilen kopurua kalkulatzeko, baja aitortpena aurkezten den hil osoa balitz bezala zenbatuko da.

Paragrafo honetan xedatutakoa ez da aplikatuko jarduera hasten den egunetik baja aitortpena egiten den eguna arte, 12 hilabete igaro ez badira. Horrelakoetan, baja ematearen eguna jarduera hasiz geroztik baja aitortpena aurkezten den urteko abenduaren 31ra pasako da.

Alta eta baja egunak urte natural berean gertatzen badira ez da inola ere diru-sarrerarik itzuliko.

4. Ikuskizunei dagokienez, kuotak saio bakanen arabera ezarritakoak direnean, saio bakoitzeko sortuko da sortzapena, eta egoki diren aitortpenak aurkeztu beharko dira arauak ezarritakoari jarraiki.

VII. Kudeaketa

11. artikulua

1. Errolda bidez kudeatuko da zerga. Aipatutako errolda urtero egingo du Arabako Foru Aldundiak Zuiako udalerrirako, eta bertan jarduera ekonomikoak, subjektu pasiboak, zerga kuotak eta foru errekgua, halakorik badagokio, barnean hartuko dituzten erroldak sartuko dira. Errolda jendearen eskura egongo da.

2. Subjektu pasiboek dagozkien alta aitortpen guztiak aurkeztu behar dituzte eta, zerga ordenantza honen 11.1 artikuluari jarraikiz, erroldan sartzeko beharrezko diren elementu guztiak adierazi beharko dituzte, arauz ezartzen den epean. Ondoren eskumena duen administrazioak dagokion likidazioa egingo du eta subjektu pasiboari jakinaraziko zaio, horrek dagokion ordainketa egin dezan. Halaber, subjektu pasiboek zergapetutako jarduerak gauzatzean sortuko diren eta zerga honen ondorioetarako garrantzia izango duten aldaketa fisikoak, ekonomikoak eta juridikoak jakinarazi beharko dituzte, arau bidez ezarriko diren epe eta terminoetan. Horiek horrela, jakinarazpen horietan nahitaez adierazi beharko da jarduerak gauzatzen diren higiezinaren katastroko erreferentzia.

Zehazki, zerga ordenantza honen 7. artikularen 1. paragrafoko c) idatz zatian zehaztutako salbuespena aplikatu ezin zaien zergadunek beren eragiketen bolumena adierazi beharko diote Arabako Foru Aldundiari.

Era berean, subjektu pasiboek eragiketa bolumenean izandako aldakuntzen berri eman beharko dute, baldin aldakuntza horrek berarekin badakar zerga ordenantza honetako 7. artikularen 1. paragrafoko c) idatz zatian zehaztutako salbuespena aplikatzearen edo ez aplikatzearen aldaketa, edo aldaketa bat kontuan hartu beharreko tartean, ordenantza fiskal honen eranskinean aurreikusitako haztapan koefizientea aplikatzeko.

Arabako Foru Aldundiak ezarriko ditu komunikazio horiek aurkeztu behar diren kasuak, haien edukia, epea eta aurkezteko modua, baita telematika bidez aurkeztu behar diren kasuak ere.

3. Erroldetako datuak sartu, kendu edo aldatzea, zerga ikuskatze jarduketan edo alta emate eta komunikazioen formalizazioaren ondorio direnak, administrazio egintzatzat joko dira eta erroldaren aldaketa ekarriko dute. Matrikulan erroldetako datuekin lotuta dagoen edozein aldaketa egiteko, aldeztu aurretik erroldako datuak aldatu beharko dira ezinbestez.

4. Zerga hau autolikidazioaren bidez egiteko eskatu ahal izango da, arauen bidez ezarriko diren terminoetan.

12. artikulua

1. Udal honek du kudeaketa, likidazioa, ikuskapena eta bilketa egiteko ahalmena, bai araututako epean, bai premiamendu bidean.

2. Udalaren aginpidea izango da, halaber, errolda jendaurrean jartzea, errekurtsioak eta erreklamazioak ebatzea, zerga kobratzea, salbuespenak eta hobariak ezartzea eta, azkenik, zerga honekin lotutakoetan zergadunari laguntza eta informazioa ematea.

3. Salbuespenak eta hobariak emateko edo ez emateko, gainera, aurretik foru aldundiak txosten teknikoa egin beharko du eta, ondoren, ebazpenaren berri ere eman beharko du.

13. artikulua

Jardueren kalifikazioen eta kuoten zehaztapenaren aurka aurkeztutako errekurtsio eta erreklamazioak Arabako Zergei buruzko Foru Arau Orokorren 229. artikulutik 246.era bitartekotan xedatutakoari jarraiki arautuko dira, eta Arabako Foru Aldundia izango da berraztertze errekurtsioa ebatzeko organo eskuduna. Erreklamazio horiek aurkezteak ez du errekurritutako egintzen betearazi beharra eragotziko.

14. artikulua

1. Udal honi dagozkion erroldak foru aldundiak egingo ditu eta ondoren horri bidaliko dizkio.

2. Foru aldundiak landutako errolda jasotakoan, jendaurrean jarriko da hamabost egunez, zergadunek azter dezaten eta egoki deritzeten erreklamazioak egin ditzaten, halakorik nahi izanez gero.

15. artikulua

Jendaurrean jartzeko epea amaitutakoan eta erreklamazioak ebatzi ostean, Arabako Foru Aldundiari bidaliko zaio emaitzaren egiaztagiria, hark onar dezan.

Onartu eta gero, Foru Aldundiak ordainagiriak egingo ditu eta udal honi bidaliko dizkio udalek bilketa egin dezaten.

Azken xedapena

Zerga-ordenantza honen azken aldaketa 2023ko abenduaren 29an onartu zen behin betiko, 2024Urko urtarrilaren 1ean sartuko da indarrean eta aldatzea edo baliogabetzea erabakitzen den arte jarraituko du indarrean.

JARDUERA EKONOMIKOEN GAINEKO ZERGA ARAUTZEN DUEN ORDENANTZA

Eranskina

Lehenengo araua

Zerga kuota (udalaren gutxienekoa) ondokoa izango da: Zerga egitatean sartutako jardueretan, dagokion foru arautegiaren bidez (foru dekretua) onetsitako zergaren tarifak aplikatzearen ondoriozkoa.

Bigarren araua

Eragiketen bolumenaren arabera haztapen koefizientea.

Zergaren tarifetan zehaztutako gutxienezko udal kuotak 1,25 haztapen koefizientearekin igoko dira.

Hirugarren araua

Kuotetan hainbat indize aplikatuko dira lokalaren egoera fisikoaren arabera. Honako kale kategoria hau ezarri da:

- Domingo de Sautu kalea: 2.
- A-68 Autopistaren Zerbitzu Eremua: 2.
- Gainontzeko kaleak: 1,25.

Laugarren araua

Ordaintzeko aldia: ekainaren 1etik uztailaren 31ra arte.

ERAIKUNTZA, INSTALAZIO ETA OBREN GAINEKO ZERGA ARAUTZEN DUEN ORDENANTZA

I. Xedapen orokorrak

1. artikulua

Udalak ordenantza honen arabera eskatuko du eraikuntza, instalazio eta obren gaineko zerga, Arabako Lurralde Historikoko Toki Ogasunak arautzen dituen foru arauan eta zerga honi buruzko foru arauan ezarritakoari jarraituz. Ezarri beharreko tarifak jasotzen dituen eranskina ere ordenantzaren zati da.

2. artikulua

Ordenantza hau Zuiako udalerri osoan aplikatuko da.

II. Zerga gaia

3. artikulua

Honakoek osatuko dute zerga-gaia: obra edo hirigintza lizentzia lortu beharra duen edozein eraikuntza, instalazio edo obra egitea, lizentzia hori lortu ala ez, baldin eta udal honi badagokio aipatu lizentzia ematea, eta hori lortu dela edo erantzukizunpeko adierazpena edo aldez aurreko jakinarazpena aurkeztu behar dela kontuan hartu gabe, betiere lizentzia ematea edo kontrol jarduera Zuiako Udalari badagokio

4. artikulua

Adibide gisa, hona hemen zerga-gai den zenbait jarduera:

1. Oin berriko edozein eraikin edo instalazio egiteko obrak.
2. Lehendik dagoen edozein eraikin edo instalazio handitzeko obrak.
3. Lehendik dagoen edozein eraikinen eta instalazioren egiturari eragiten dioten aldatze edo eraberritze obrak.
4. Lehendik dagoen edozein eraikin eta instalazioren kanpoaldearen itxura aldatzeko obrak.
5. Eraikinen barruko antolaketa aldatuko duten obrak, ematen zaion erabilera edozein dela ere.
6. Behin-behineko obrak, Lurzoruaren Legearen testu bateratuaren 58. artikulua 2. paragrafoak aipatzen dituenak.
7. Zerbitzu publikoak instalatzeko obrak.